

մերժել նոր պայմանները: Պօսքը նորից անցաւ գէնքին: Նոյեմբեր 11-ին վերսկսեց պատերազմը, որը, սակայն, տևեց շատ կարճ: Նոյեմբեր 14-ին թիւրքերը յարձակեցին Ջաջուռի մեր զօրամասի վրա: Կռիւները սկսեցին նպաստաւոր էին մեզ համար, բայց թշնամուն յաջողեց թիկունքային շարժումով ուժակոծել Ղալթախչին, ուր գտնուում էր զօրամասի կենտրոնը, և սպառնալ երկաթուղազծին: Այդ պատճառով մեր զօրքերը նահանջեցին Համամլու: Տաք կռիւներ տեղի ունեցան և Աղինի ճակատում, ուր ծանր վիրաւորեցին Սմբատը և Նիկոլ Օգարաչեանը: Թիւրքերին յաջողեց այստեղից էլ յետ մղել մերոնց: Վերջին կռիւներն էին սրանք:

Հայաստանի կառավարութեան զիմումի վրա կնքեց նոր զինադադար և նոյ. 22-ից թիւրքերին յանձնեց նրանց պահանջածը: Հայաստանի կառավարութիւնը միաժամանակ դիմեց և Մոսկուայի միջնորդութեան: Ձեռքերը գրական պատասխան տւեց և իր կողմից նշանակեց Բուզու Մզիւանիին մասնակցելու համար հայ-թիւրքական բանակցութիւններին: Միաժամանակ, Թիֆլիս ուղարկեց Ա. Պատիսեանը՝ դիմելու համար զաշնակից ներկայացուցիչներին: Պատիսեանը Երևանից մեկնեց նոյեմբեր 18-ին և հետը տարաւ դինորական նախարարի կազմած հետևեալ տեղեկագիրը.

«Հայաստանը ունի չորս ճակատ, բոլորն էլ պատերազմական միճակում — Կարս—Ալեքսանդրապոլի, Սուրմալուի, Նախիջևանի և Դիլիջան—Ղազախի:

Ինչպէ՞ս են բաժանւած դրանց մէջ Հայաստանի զինուորական ուժերը: Կարս—Ալեքսանդրապոլի ճակատում կանգնած են հետևեալ զօրամասերը. Խօսքը վերաբերում է կանոնաւոր զօրքերին և, յատկապէս, հեախոան զօրքերին: Այդտեղ են առաջին դունդը (Մագմանեան) — 1500 ս.ին, 4րդ դունդը (Միրիմանեան) — 2000 ս.ին, 5րդ դունդը (Շաղուբաղեան) — 700 ս.ին, 6րդ դնդի մի բատալիոն — 700 ս.ին, 7րդ դնդի մի բատալիոն (Իշխանեան—Գնդունի) — 800 ս.ին և 8րդ դունդը (Տիգր. Բաղդասարեան) — 1500 ս.ին, ընդամենը՝ 7,200 ս.ին: Բացի դրանից կան նաև Սմբատի խմբերը:

Սուրմալուի ճակատում (Դրօի մօտ) կան՝ 9րդ դունդը — 2000 ս.ին, 8րդ դունդը (1 բատալիոն) — 1000 ս.ին և 7րդ դունդը (մի բատալիոն) — 700 ս.ին, Ղարաբաղի առանձին զօրամասը (Կոլո) — 800 ս.ին, ընդամենը՝ 4500 ս.ին և փոքրիկ եղիդական զօրամաս:

Նախիջևանի ուղղութեամբ կանգնած են՝ 3րդ դունդը — 2000 ս.ին, 2րդ դունդը (երկու բատալիոն) — 1000 ս.ին, ընդամենը՝ 3000 ս.ին:

Դիլիջան—Ղազախի ճակատում գտնուում է 6րդ դունդը (Մանիևի) — 2000 ս.ին:

Այս թւերի մէջ չեն մտնում հեծելազօրքը, հրետանին և յատուկ նպատակ սնեցող մասերը, ինչպէս սապետներն և հեռագրական ջոկատները:

Այսպիսով, բոլոր չորս ուղղութիւնների վրա մենք ունենք ընդամենը 16,700 ս.ին, բացի դրանից, Չանգեղուրում գտնուում է 800 ս.ին, ուրեմն, վերոյիշեալի հետ՝ 17,500 ս.ին:

Երևանում պահեստում մնում է 10րդ դունդը (Հալապեանի) — 1500 ս.ին, ընդամենը, ուրեմն, 19,000 ս.ին: